

INFORMACIJE ZA III KVARTAL 2015

JULI-SEPTEMBAR

U Centru „Duga“ trenutno boravi 24-oro djece različite starosne dobi, što znači da je 100 % popunjenost kapaciteta Centra.

STRUKTURA DJECE PO GRUPAMA

GRUPE	DJEČACI	DJEVOJČICE	UKUPNO
I GRUPA 0-15 MJESECI	5	3	8
II GRUPA 15MJ-2,5 GOD	2	6	8
III GRUPA 2,5-6 GOD	4	4	8
	11	13	24

PRIJEM DJECE U CENTAR DUGA

U posljednja tri mjeseca u naš Centar primljeno je petoro djece različite starosne dobi i to: tri djevojčice i dva dječaka, koja su smještena u određenim grupama prema starosnoj dobi.

ODLAZAK DJECE IZ CENTRA DUGA

Što se tiče odlazaka iz našeg Centra u posljednja tri mjeseca, Centar je napustilo petoro djece koja su smještena na druge oblike zbrinjavanja; dvoje djece je usvojeno, dvoje djece smješteno u drugu ustanovu, dok je jedno dijete vraćeno u biološku porodicu.

POSJETE VANJSKIH SARADNIKA

Zdravstveno stanje djece smještene u našem Centru u posljednja tri mjeseca je bilo uglavnom uredno. Obavljane su redovne specijalističke kontrole djece koja su po preporuci dr. pedijatra upućivana na te preglede.

Dr. pedijatar je redovno svaki mjesec boravila na pregledu djece, te je obavljana redovna vakcinacija.

Logopedski i psihološki tretman za određenu djecu je redovno odrađen.

Od 25-27.08 u posjeti našem Centru je bila gđa Dorothea Weinberg dječiji psiholog iz Njemačke. Za tri dana boravka u našem centru gđa Dorothea je provela u druženju sa djecom te posmatranju djece i njihovom ponašanju u grupi. Sa određenom djecom je odradila određene psihološke tretmane, te uposlenicima dala upute za daljnji rad sa tom djecom.

DRUŽENJE SA VELIKIM DRUGARICAMA

U posljednja tri mjeseca ova druženja nisu odrađivana, a razlog tome su velike vrućine koje su bile tokom ovog ljeta, a i veći broj drugarica je bio na ljetnom odmoru.

PUTOVANJA DJECE IZ CENTRA

I ove godine kao i prethodnih godina, starija grupa djece našeg Centra je u pratnji osoblja bila osam dana na ljetovanju, na već poznatoj destinaciji ,otok Murter u mjestu Jezera. Djeca su uživala u lijepom vremenu, toplom moru, kupanju te redovnim šetnjama po mjestu. Sretni i zadovoljni vratili se sa ljetovanja , sa dosta lijepih uspomena.

POSJETE CENTRU DUGA

U protekla tri mjeseca naš Centar je imao veliki broj posjeta kako fizičkih tako i pravnih lica. Sve posjete realizirane su sa ciljem pomoći našem Centru kako finansijski tako i materijalno. S obzirom da smo u ovom kvartalu imali dva vjerska praznika Bajrama, samim tim smo imali i veći broj posjeta povodom praznika i kako mnogi koji nas tada posjete kažu “neka i ova djeca osjete čari praznika i da nisu zaboravljeni od naših sugrađana“.

Ovom prilikom djeca i osoblje Centra Duga se zahvaljuju svima koji su nas posjetili i svojim donacijama pomogli rad naše ustanove.